

上清境內音經第六

天地變異自有定數陽九百六以為災害若顯示妖怪皆明證效今夫一切人民六親眷屬皆得神氣與性命假託父母與生育而成而實受稟於天地以天地為父母見災害善惡是天地之氣清濁凡一切修習上道增進智慧之人若能廣勸修崇即知禍福因緣皆由天地變異熱心禱祝修持上道各發如是上願遵奉道典能令一切各歸正教夫天地不通或因大怒自生災咎五穀不熟人民死傷兵戈競起疫毒流行日月星辰皆失度數此乃天地大凶之歲罪惡不可復名如聽上妙至真要法俾令一切諸惡悉皆絕滅汝知天地奧妙意義難可稱揚夫大災異變惟者是天地大怒也中災變異者是天地中怒也小災變異者是天地小怒也比之人事大事大言中事小言小言不空言也不空見也不欺人也夫見大瑞則應天地大喜悅見中瑞則應天地中喜悅見小瑞則應天地小喜悅夫無災無瑞是天地氣藏不見象不見

形不顯祥不明變當知歸奉至尊上境明了一切諸法內隱音韻玉章皆得成就一切善緣復有天地大譚天地中譚天地小譚皆有示象如十一曜中惟有紫炁不示象則永不興災異日示赤鷄月示白兔日遇春青龍夏朱雀秋白虎冬玄武月兔中有青桂日杵四時不變木德星君兔頭猪身虎尾火德星君馬身蛇尾金德星君猴頭鷄身水德星君黑猿捧筆墨現土德星君羊角龍頭犬耳牛身羅睺星君羊角犬爪牛尾龍身計都星君龜月孛星君地若示此正象皆不為災若與變異昏暗不明悉無文采日月木金紫水皆不為災若遇失次則略失明火失次赤髮露眼土失次遲滯羅計孛失次皆隨十二宮變相則示災過金星吉若能依度禳之則吉而說

偈曰

禳度之法感化之機汝等當知清淨身心修習上業先當恭敬次示正信四德成就方盡皈依若男若女依教奉行不懷疑惑了達真源洞達香冥更能信受而復度人

內音經靈符

書 庫 廣 廣 廣 廣
書 庫 廣 廣 廣 廣
書 庫 廣 廣 廣 廣
書 庫 廣 廣 廣 廣

上清境內音經終